



## Sepheo sa ntlhakemo ya IEB malebana le thuto

IEB e akaretsa tikoloho e kgolo – dikolo tsa mmuso le tse ikemetseng; tse ikgonang le tse se nang bokgoni ba mehlodi ya thuto; moo thuto e etswang ka bokgabane e ka tshwantshwang le dikolo tse ipabolang ka bophara ba lefatshe, le dikolo moo thuto e leng feela ho bala dibuka kapa dinoutsu tseo baithuti ba nang le tsona, haeba titjhere e teng; dikolo moo boithlomphe, botshepehi le ho kgathalla bana di nkelwang hodimo haholo le moo katleho e fihlellwang ka botshepehi kapa ka ditsela tsa boqhekanyetsi, moo motho a shebileng bana ho feta boyena. Motho a ka bua letsheare lohle a leka ho hlalosa maemo a fapaneng, ditlwaelo tse fapaneng, le tse etsahalang tikolohong ya thuto naheng ya rona, mabatoweng le kontinenteng ya rona.

Basebetsi le ditho tsa Botsamaisi ba IEB ba eelletswe mathata ao thuto ya Afrika Borwa e tobaneng le wona mme ya lekola sepheo sa yona sa ho nka karolo porojekeng ya thuto lebatoweng lena. Re a eellwa hore leha thuto e le se etsahalang menahanong kapa dikelellong, e ntse e angwa ke maemo a re potapotileng le a ikgethileng ao thuto e a hlokanang mme ke kahoo mosebetsi ona o etswang ke batho ba nang le bophihlelo bo phethahetseng. E ne e le takatso ya IEB ho hlakisa matheo wa mohopolo wa yona o ileng wa e susumetsa ho rala tokomane ena – *Sepheo sa ntlhakemo ya IEB malebana le thuto*.

Tokomaneng ena re lekile ho hlalosa seo re se boneng e le sepheo sa thuto mokgatlong ona wa IEB. Ditekanyetsong tsa rona le mesebetsing yohle eo re e etsang re leka ho kgothaletsa dikolo le matitjhere ho fa baithuti menyetla e tla ba kgontsha ho sekaseka ditaba tsa bohlokwa, ho nka karolo ho tse etswang mme ba thuse dipuisanong le dingangisanong, tse tla ba thusa ka dihloko tseo re nahanang hore setho se seng le se seng sa setjhaba matsatsing ana se a di hloka. Naha ya rona hammoho le setjhaba sa heso tse aparetsweng ke mathata di hloka baahi ba seng sebete feela empa ba tsebang ho eellwa tseo re di hlokanang le ho tlisa tsela eo ditlhoko tseo di ka fihlellwang ka yona ho etsa lefatshe leo re phelang ho lona betere. IEB e etsa ka hohle ho etsa bonnete ba hore ditekanyetso tsa yona di boemong ba tsa lefatshe ha di bapiswa. Re dumela hore ha re ka fuwa monyetla baithuti ho tswa lebatoweng la rona ba na le bokgoni ba ho atleha ha ba bapiswa le ba ka sehloohong ba dinaha tse ding; sena ke sona se susumetsang diprograma tse phahameng ka ho fetisisa tsa IEB (IEB Advanced Programmes) le ho nka karolo ditekong tsa matjhaba tsa boemo tse ka sebedisetswang ho lekalekanya (International benchmark tests).

Ke yona tumelo ena ya boleng ba baithuti le setjhaba sa rona tse kgothatsang IEB ho leka le ho tlisa boiphihlelo thutong e seng tekanyetsong feela.

Ke ka mabaka ana IEB e nehelanang ka tokomane ena e hlahosang ntlhakemo ya yona jwaleka mokgatlo wa thuto.

### *Sepheo sa ntlhakemo ya IEB malebana le thuto*

**Tjhebelopele** ya IEB ke ho ntshetsapele boleng ba thuto le ho ithuta Aforika Borwa, ka tshebediso ya tekanyetso e tswellang e tshepahalang, e ikgethileng mme e ka bapiswang le ya mafatshe a mang.

IEB e eellwa bohlokwa ba tekanyetso ntshetsopeleng ya baithuti, bao e leng baahi ba Aforika Borwa ba nkang boikarabello, ba kgonang ho shebana le diphephetso tsa lefatshe ka bophara. Ka tekanyetso ya rona re na le tjheseho ya ho ntshetsapele baithuti ba:

- sebedisang tsebo ya bona ka kelotlhoko
- nahanang ka nnete
- kgonang ho rarolla mathata
- ba kgonang ho iqapela le ho hlahisa menahano ya bona
- ithutang ka nako tsohle
- e leng ditho tsa setjhaba tse hlomphang ho fapana/se tshwane ha batho, haholoholo Aforika Borwa
- e leng baahi ba mafolofolo ba ikemiseditseng ho hlompha le ho boloka Molaotheo wa Aforika Borwa le polokeho ya batho bohle.

IEB e tshehetsa ntlhakemo ya hore, ho kgothaletsa thuto ya boleng baahing bohle ba Aforika Borwa ho bohlokwa haholo bakeng sa ho bopa setjhaba se ratang toka ho bohle, se itshetlehileng ka demokerasi le ditokelo tsa mantlha tsa botho, moo botjhaba ba bohle bo **hlontjhwang** le ho amohelwa teng.

**Sepheo** sa IEB ke ho tlisa thuso e bonahalang ntshetsopeleng ya mehlodi ya botho ka ho rala, ho tlisa dihlahiswa tsa tekanyetso ya boleng, e batsi, e ka fihlellwang habonolo le ditshebeletso mafapheng ohle.

Mosebetsi wa IEB o thehilwe hodima boikemisetso **dintlheng** tsena tsa bohlokwa: botshepehi, tlhomphe, boitelo le ho thusa, boitsebelo, dikgokahano, boleng le tshebedisanommoho.